



07381

東廓鄒先生文集卷之九

碑傳 贊

康安人貞節碑

嗚呼此安成貞節康安人之墓初安人許聘邑人張寅寅從從父學于京師以事出亡燕吳萬里不相聞者數十年父母將改適之姑許之豪家交賄之女自經以誓凜凜不可回其後寅自冀州以舉于順天不受權貴之婚歸詣伉儷遂登進士授陟令擢貳太僕而康氏封爲安人夫義婦貞燁然爲萬口美談造物者默運而潛祐之以立人極於天下抑何奇哉

東廓鄒先生文集

卷之九

一

正德辛巳冬十月安人以壽終孀生王皞白其行于御史朱君節將聞諸朝以表之乃先命俞尹夔構碑亭于墓次刻寧鄉令劉絢及王皞所爲傳于陰而謂某曰子太史氏也宜有以詔無極昔者先王之以禮範民也莫嚴於男女之交所以別夫婦親父子而使自異於禽獸首之納采擇之也次之問名審其所出也納吉聽之鬼神也納徵而事成矣故許嫁則繫之纓示有屬也親迎而壻解之示受之也女之受幣也猶臣之委贄也一成而不可變也壯哉安人之言曰吾已許張氏即張氏婦柰何以一身許二姓此其執節秉義默與道合

吾以是知先王之禮樂咸以裁成天秩初非外鑠而人心之  
良不爲物欲所晦蝕則不慮而知不學而能雖婉婉女子可  
以考三王而俟百聖矣彼碩碩多士讀書萬卷平日尙論千  
古嶽嶽如立壁一遇變故則顧利而擇便削規破矩奄奄出  
婦人下然則表揚安人以樹風聲豈繫爲女誠已乎墓碑六  
尺其壯萬仞鬼神呵護百世其訓之

李忠文公祠碑

古之君子毅然自任以天下萬世之重故制行宰物以禮義  
爲準繩舉利害毀譽死生不足以回撓之然後德成名立赫

東廓鄒先生文集

卷之九

二

赫乎揭日月而震風霆也後之君子急近功謀小利貶損其  
身以徇一時之好若春禽夏卉非不快視聽也而泯漸乘之  
矣甚者或爲封豕豺狼以犯不韙之的嗟乎均是人也耳目  
鼻口孰非天地之妙合而父母之遺哉而善惡之相懸遂至  
此極也有志於自愛者可不慎所立乎吾吉安以忠義名天  
下自歐陽文忠公以至于信國文公皆所謂任綱常之重而  
浩然於天地間者入 國朝以來忠文李公慨然以古人之  
期涉艱履險九死不悔而精忠義槩貫鬼神而孚豔豔昔長  
孺責難於漢廷廣平正色於思勗亢宗遺愛於大學疏氏辭

榮於少傅舉萃於公之一身取功定價歸然俎豆于數君子  
之間天下無異辭嗚呼可謂一代之人豪矣於時忠愍劉公  
以直諫死其職鄉社舉以配公有耿光焉老成凋落俗尙頽  
圯扶植風教者恒思章典刑以隄其決正德乙亥某與王君  
世文言於于尹桂視忠愍故事專祠公於城隍之右而未果  
後六年辛巳庠生王世俊請于唐柱史龍屬俞尹夔鳩功程  
事始克成之駿奔有楚神明如在而彼淫昏之鬼覘公之堂  
惴惴自奮以肖天形而無忝所生顧其於草木豺狼而莫之  
恤其亦凜可哀哉廼爲迎享送神之辭以貽公之曾孫朝聘  
公而俯聽之其尙有以相我邦人乎辭曰  
新宮兮殖殖邊豆兮有秩笙鼓喧兮東方暎公之來兮如雲  
百靈衛兮金甲屯懷故邦兮神欣欣兮故邦招忠愍兮  
翱翔兮吸梅馨兮朝餐東陽神之惠兮穰穰挽天河兮洗下  
方誅夷蝥螘兮長養鸞鳳兮秋報祀兮思無疆

瀧岡書院碑

瀧岡書院祠大理丞鄒公瑾而作也公當靖難之師及同邑  
監察御史魏公勉死于位一時若天台方公孝孺臨江練公

子寧廬陵曾公鳳韶分宜黃公子澄凜凜然有邛馬采薇之風 仁宗昭皇帝曰方孝孺等皆是忠臣大哉 王言與師尚父義士之稱炳炳千古羣臣祇若德意罔敢差池諸公咸俎豆鄉賢或書院以專祠之正德壬申某歸侍易齋大夫疾三年而疾小間大夫命之曰永豐吾宗國也寺丞御史之烈其可以後羣公廼奉命以請于邑之士皆訴訴相告庠生裴康陳本劉斌陳奇李觀可劉希昭蕭旦合辭以呈郡守伍君文定督學政田君汝籽協議魁之亟下縣立二公木主於鄉賢大夫復命曰寺丞公吾同譜也其率族屬祀之使從兄守

東鄒鄒先生文集

卷之九

四

泰入牒于郡郡丞朱君袞分守陳君洪謨巡按李君潤符縣以入官故址曰東義倉空地爲之曰公之精爽其尚樂故土乎族之長光緝率子姓元化垂璫等建堂于中前爲鄒氏大節祠外爲瀧岡書院繚之以周垣歲以祭鄉賢之明日潔牲俎而行事市裨廡下使國寧來徵文以告來者嗚呼人莫貴於自立自立莫大於忠孝忠孝不失以善其身則雖流離顛沛刀鋸鼎鑊而天下後世猶哀慕而章顯之矧於同姓若茂德棄義負國而辱親則雖尊榮炫赫秉鈞胙土而子孫且羞以爲祖矧於天下後世乎繫之詞以誠吾宗詞曰昊天生民

彖有正命維忠維孝以若恒性禍福無端貞脆有定章其淑  
慝是爲殃慶百爾君子盍以爲鏡孰無此身柰何弗敬

劉忠愍公祀典碑

兩谿劉公以侍講疏天下十事首勤聖學以正心德終修武  
備以防外患上悅之下羣臣議會權璫王振怒其侵已嗾奸  
黨馬順誣以事下獄公厲聲憤罵竟支解其體天下大夫士  
悲公之忠噤無敢言者會稽布衣成噐爲文哭于龍山名曰  
祭忠臺土木之變 朝廷族振家而羣臣竟擊順于廷其黨  
咸棄市始贈公翰林學士謚忠愍遣守臣諭祭于家復祀于

東廓鄒先生文集

卷之九

五

吉安忠節祠位次文忠烈下而公之子鈺及鉞市地邑治之  
比以創專祀當道好德者顏其祠曰旌忠坊曰大忠而曾孫  
繩彙次名公羣作若李忠文之銘于肅愍彭惠安之贊薛文  
清莊定山之文章蔡毅羅一峯之挽李文達之目錄命曰忠  
愍事蹟而絢登諸梓於是公之忠颯颯然矣玄孫祚猶以祀  
典未舉於褒崇弗備也偕郡邑諸生呈于中丞汪公玄錫柱  
史沈公越檄邑尹李君一瀚議於春秋丁祭市羊豕香燭縣  
官率儒學師生致祭祠下責令守祠人劉文權等籍田以修  
祠會新尹潘君璵至與司教張君天叙阮君柏鮑君壽肅然

協舉祀典命諸生弘淵弘溫以徵記于益益也嘗聞幽明之  
故矣出於集義則至大至剛浩然常存軋摩日月嘘吸陰陽  
磊磊落落如龍變而鳳翥命之曰昭明昭明故其神不亡出  
於不義則人非鬼責氣蕭魄奪將蝸縮而蝟伏命之曰淫昏  
淫昏故其鬼不神古先聖誓緝熙敬止雍雍肅肅亦臨亦保  
實與天地參而四時同故曰文王在上於昭于天文王陟降  
在帝左右其次則忠臣義士精采赫奕震盪發天符合地貞  
君蒿悽愴如將見之故曰仍羽人於丹邱與泰初而爲隣其  
在睢陽效忠天寶屬鬼殺賊若持左券豈繫氣數適合其昭

東廊鄒先生文集

卷之九

六

明使然也跡忠愍公之素履凜凜以古人自期睦于家孚于  
鄉誘迪于後進啟沃于經筵清介于蜀府先見于麓川所謂  
集義養氣要非一死以爲烈者故馬順之子怒罵奸逆逆黨  
褻魄緇素祈免視睢陽尤烜著而百餘年來縉紳大夫士曰  
道德曰氣節曰行誼曰文章合辭愛慕若哀其父兄親戚而  
道出祠下罔不瞻戀歔歔慨然有神遊八極之想屈子所謂  
超無爲而隣泰初其果偏誕不經也耶或曰伯有之厲非淫  
昏乎而亦莽爽如彼曰是奚足恠也安史亂而睢陽殞胡元  
盛而文山囚王馬橫而忠愍裂其禍至於夷夏易位邪正倒

置皆伯有之莽也險晦鬱結羣魑晝舞杲日一升百怪辟易  
公之昭明磅礴與睢陽文山俎豆百世而淫昏羣奸蕩爲埃  
風凡百君子鑒往燭來可以思齊可以自省可以慨然得師  
矣昔韓昌黎於甄氏父子事以濟之節不屈祿山而逢能刻  
身以標白其先俱行應史法以勸善若忠愍公所遭視濟尤  
憐而叅政鈺當馬順之誅手刃其心以復父讐憲使鉞誓不  
與權奸同朝權奸誅始仕而叅議縝及邑尹絢倦倦表揚忠  
蹟徹天下耳目至于思州祿力舉祀典老而不勅視逢復奕  
葉有光焉於法皆率聯得書以爲世濟其義者勸

東鄆鄒先生文集

卷之九

七

尙寶司卿劉君宗夏傳

正德己卯羣奸惑 聖聽議以三月壬子警道東巡祀岱宗  
歷徐揚抵南京下蘓州復沂江浮漢登大和大嶽且遍中土  
繁麗衆情洵懼變大臣多阿之沮諫者勿上乃戊申翰林  
舒國裳約汪子宿等先入疏兵部黃伯固陸汝亨論時政疏  
亦入考功夏惟中儀制萬汝信大常陳惟濬連疏入己酉吏  
部張元承等刑部陸天爵等庚戌禮部姜夢賓等兵部孫鳴  
和等行人司余伯獻等俱入疏時大醫院醫士徐整劾醫諫  
車駕遂不果出乃癸丑 命以黃鞏等六人下錦衣獄以舒

芬等百有七人跪午門外五日乙卯下余廷瓚等獄同黃鞏  
六人跪五日梏鞶是日工部林以乘等三人大理寺周子厚  
等十人亦進疏入明日俱下獄亦梏鞶跪五日時有金吾衛  
指揮張英肉袒戟刃于胷以死諫數日天陰灑水溢內海子  
公卿被唾罵瓦礫擲晨夕出入不敢待別已乃請禮部禁一  
槩言事又有叅劾各屬爲妄言者 天威遂不可霽乃戊午  
杖舒芬等百有七人于午門前各三十爲首者調外任餘罰  
俸六月至四月己卯杖黃鞏等六人各五十發爲民徐整成  
邊杖林大輅周叙余廷瓚五十降三級餘杖四十降二級時  
死杖下者員外郎陸汝亨主事劉宗夏何孟循評事林質夫  
照磨劉珵行人司副余伯獻行人孟子乾劉平甫李崇德李  
德卿詹敬之蓋十有一人云今

東廓鄒先生文集

卷之九

八

上嗣位召諸言事者復其官而死者追贈諭祭蔭其子入太  
學於是劉君宗夏贈尚寶司卿翰林撰文行河南布政司官  
致祭于家予之再入翰林也其子元婁自太學生任南京光  
祿署丞矣乃從詢其世系歷履以傳君諱校宗夏其字號南  
溲世爲許州鄆城人高祖順洪武丙子省元任禮科給事中  
曾祖璣宣德丁未進士歷官福建鹽運使世有令聞祖鏜諱

星歷學任陰陽訓術父倫以善稱于鄉贈刑部主事母胡氏  
封太安人太安人歸寧西華外翁家就小瑤坊而產有樹火  
搖光之祥贈君夜夢神人以忠義進士懸于門訊而異之幼  
而誠確童而務學弱而思以孝友信義自立鄉人有善者力  
贊之不善者亦面斥之有感而化者太安人嚴肅善教子偶  
不悅叩頭移時必得其懽心乃起處弟棊朴無私藏服食器  
用咸統于親一日家奴留牙筋一束于寢驚曰此離析之漸  
也咎而出之正德庚午舉于鄉辛未第進士壬申授刑部主  
事癸酉迎贈君就養至定州卒于旅次訃至星夜跣奔啟闕

東廓鄒先生文集

卷之九

九

抱尸痛咽幾絕已而少獲視面目有途塵以舌潤而拭之更  
衣衾棺槨乃請命扶柩以歸定州士夫弔而嘆之以爲可方  
古孝子云服闋仍補刑部決獄欽欽不爲上官改法上官黜  
不悅亦不能軒軒之會南巡疏上僚友屬橐元妻年十一從  
旁視之叱曰汝遠去非汝所知及跪五日同事有憂色君朗  
誦人生自古誰無死留取丹心照汗青之句聞者屬目焉被  
杖就斃矣仰天大呼以不及見老母爲恨語不及他少頃顧  
元妻曰善繼我志善事爾祖母與爾母元妻嘆天作苦聲裂  
目叱之曰你書雖不遠讀事君能致其身也知麼語畢而絕

配張氏封安人淑靜儉勤克相其夫其後教元嬰及諸孫遵  
迪咸稱夫之訓以訓蓋刑于之徵云 史臣曰自百立國以  
忠義爲元氣

高祖帝誥天下首以君臣同游其言曰拾君之失樽君之過  
補君之缺身名流芳千萬載不磨所以鼓天下之氣以鞏億  
萬載丕丕基其宏且遠乎夫諫行言聽身名俱全豈獨人臣  
之願亦 國家之福也碎其身而完其名猶足以報

主恩而振士氣若挫節敗名以希寵偷生縱不自愛如宗社  
生靈何方逆彬煽毒禍出叵測而一時駢首就杖以不與爲

東廊鄒先生文集

卷之九

十

耻 高廟泰陵棧樸之澤具可徵也然高位厚祿孰非豐水  
之遺使與羣僚同心未必至此酷而忍于劾以貢諛豈元老  
朋斥新進競顯蘭芷荃蕙乘時以化乎化以通變日詖日遁  
以君令莫違爲忠以喪元無裨於國爲迂淺者以子幼避而  
巧者以親在爲解所謂流芳不磨果當在若輩耶若劉君宗  
夏以忠憤自樹子幼而弗顧母老而弗擢呼吸顛沛間猶毅  
然於致身之義其英氣凜凜是可以風矣故備而論之以愧  
夫飾名而全身者

古菴子傳

古菴子姓名憲字式之自號古菴由正德辛未進士拜刑  
科給事上疏言事不合以病請去繼除兵科給事中遷禮  
科右給事中復謝病歸今

上繼大統徵用名士以耳病致其事人敬之不以官稱稱之曰  
古菴子云先世出河西以仕寓家武進曾大父智大父文明  
皆業儒至父勤去爲郡功曹終石窟巡檢以謹恕稱贈刑科  
給事中古菴子淳謹莊重彊學不羣蚤歲以三禮爲弟子師  
矩矱斬斬弗渝及魁應天魁南宮遂擢言責日思振揚所學  
恐愧古人以貽譏來世時內監擅柄朝政日壞首請開言路

東廓鄒先生文集

卷之九

十一

優忠且復劾大臣怙勢者數人及改兵科憂邊防廢弛條八  
事以進曰設經畧曰慎戰守曰屯要害曰募土兵曰撫軍士  
曰嚴勸懲曰重出師曰撫疲民北虜深入又陳十二策曰預  
備兵馬曰防禦衝突曰選任將帥曰振作士氣曰嚴備薊北  
曰議處遼東曰蓄積芻糧曰鞏衛京城曰密行間諜曰撫恤  
邊方曰綏懷百姓曰慎固藩籬皆憂深慮遠咸見采用及災  
異荐臻力陳民隱六事曰保治安振綱紀任老成正士風固  
邦本修武備繼上六事曰恤困窮備蓄積惜人才崇節義重  
風教寬刑獄比奉使荆湘見洪水湮沒民居極陳死徙瘡痍

之狀以忤

旨罰俸金不爲沮其請祀先儒陳澐及錄國初功勳道德節義  
之後皆有關風教至於諫甘肅之不可幸儲位之不可虛尤  
舉朝未敢發者甘肅回 鑾頌遊臣遂抗疏力辭以歸敝衣  
蔬食端坐一室取濂洛關閩諸儒異同會而通之前言徃行  
善必書諸座隅與靜齋周道通皆患耳疾畫几作字以古道  
相規切郡守陳君實建道南書院祀楊龜山而下相師友于  
常者簡郡士肄業延古菴與靜齋爲之師嘗語學者曰君子  
之學須擺脫習氣著實踐履不可一事放過方是的确工夫

東廓鄒先生文集

卷之九

十一

旣不可拘迫安排又不宜因襲怠緩廼有實得學者翕然推  
尊之性至孝念父卒萬里外號慟屢絕搗其堂曰永思事母  
太孺人卜餐及莖無違禮歲時享祀齋戒沐浴儼然如生存  
晨必詣祠堂揖始退理家務歲大侵富家多閉糴獨以輕息  
貸人人德之爭先以償用是家益饒置義田以給三族設義  
學教之復建社倉社學以惠鄉閭救災恤患殮貧賑孳且有  
科級士君子過常州者必禮於其廬以質疑誼俗海內名流  
皆折節切磋之而古菴子不以自滿扁其齋曰三近自謂檢  
制二十餘年福性不能盡除或乘閒竊發其勵志不懈如此

嘉靖十四年十月二十九日以疾卒年六十有七疾亟戒諸子詮誠訥諸諸孫中孚中和等俾力於爲善以不欺爲主禁無祈禱臨終沐浴整衣冠移就正寢目瞋以燭視其手了了不亂所著有諫垣奏草三卷古菴文集若干卷所編名臣奏議道南錄先賢錄各若干卷藏于家 論曰予友靜齋周道通亟稱古菴子篤志力行有古人之風及會于南都切磋學術異同無一語及升沈涼燠事予扶疾南歸以舟邇于白氏園中商確新得時欣然契合而先知後行內敬外義猶聞爲文義所縛將別握手曰吾請以毋自欺爲要子其許我乎予

東廊鄒先生文集

卷之九

十三

起拜曰兄得之矣卽知卽行卽放卽義更何先後更何內外古菴子亦欣然顧其門人曰吾守此三字符庶無忘嘉會嗚呼士常患隨俗類仰弗克卓然自樹及自樹矣又患弗克自虛以來天下之善若古菴子之素履卓矣而好學下問疊疊不倦固宜其造未艾也靜齋沒古菴子哭之悲且助石榔經紀其家而相繼以殞非吾道之厄致然耶故爲之傳以慰學者之思且以貽其孫子俾思引其先業云

龐德公入鹿門山圖贊

龐德公以清峻之操足跡義不入城府雖劉荊州招之曠

畝中竟不可致後遂携家深入鹿門山好事者至圖之以傳然隆中卧龍德公所藻鑑士而終許先主驅馳則知者當下一轉語詞曰

赤帝失刑青蛇兆蠶河決崆峒天柱中折我携我家我登我山我採我藥爰獲我安咲彼荊州揖讓拯溺官祿之餌莫知我戚世無先主龍卧草廬潛躍之闕尙審其樞

劉景肅先生像贊

飮濃涵華搜恆逐音有溫不施以洩諸詩簡煩就曠憤邪攘垢有闕不偶以邈諸河雷電蕩譴雨雹紛披使其應敵如其

東廊鄒先生文集

卷之九

十四

談某菓卉環列魚鳥交舞使其理民如其易圃履變而融彌老而峙博觀望族耆英有幾孰測于神競素于廬再拜德容以式鄙夫

劉素菴彭孺人像贊

野服與與兮素位而行後已先人兮與物無爭勝友升堂兮門多車馬通券在篋兮不窘發俸壽雖虧兮所遺者贏有子振振兮將振厥聲昔古愚長史公之言曰尙古堂中第一孫昔其弗信於鄉評也耶

滌晨饋兮滌瀧飮賓座兮簠盛勤紡績兮彌老不倦脫簪理

兮濟人於傾課子聖賢兮不以公卿飲水之甘兮無羨三牲  
昔祖姑鄧之言曰孫婦可以接我子孫必有報之者吾將拭  
日以觀厥成矣

致菴劉州侯像贊

親有道兮如怡盡吾職兮不知疲留樂饒兮善類奠祖豆兮  
遠矣三津萬卷兮有子似之鳳巢千仞兮復來何時瞻德容  
之粲粲兮耶以寄百世之思

愚直鄧翁崇覲像贊

性敏而嗜詩書家富而樂施予宗族餽粥割田以供其費鄰

東廓鄒先生文集

卷之九

十五

里溝壑市棺以安其死肆冠服之自天方孫曾而繞几吾嘗  
登翁堂與以冠翁孫子喜其聰達而可議於道謙讓而不委  
於禮蓋勉之以仁義裕後之方申之以天人相感之旨翁首  
肯而弗違圖力追於暮齒尚時守而無倦庶以膺受於多祉  
乎

永豐戒菴宗兄國寧行樂贊

思江之上古巷之右壘而好古有偉一叟兢兢戒懼是趨是  
走挾策夷猶曰將以觀造化之紐家不逾一畝而若輕陶筋  
力不勝匹雛而若啞音黜頤以誼通宗盟交締蘭偶期之以

玄境申之以白首神奪之年予將誰咎雖然藝種而種樹秀  
而莠世趨其薄而獨取其厚百世之下其果誰富誰貧誰勇  
誰怯誰夭誰壽也耶

彭中像贊

貌癯而志頎頎居隘而室翼翼售在璞之珍別足猶勤銜伊  
蒿之恤皓首不釋交游敦龐固戒於翟廷尉之門而邱壑容  
與時以從謝大傅之屐吾嘗登君之兩思覈君之六癖知冠  
服之錫未足爲君榮而坦洞老仙天宮之數尙其于後有獲  
乎

東廓鄒先生文集

卷之九

十六

東軒董君所像贊 并小序

樂安董氏多學于予予嘗再至流坑聚講其先祠而東軒君  
以族長肅客於講學文田咸有高議爲之贊以範于后

名聞兮流坑逸老兮東軒禮瞿瞿兮若朴言恂恂兮似温其  
尚論學術懼輪轅之徒飾商確丈量莫焚溺之獲殮家日貧  
而愈壯子雖逝而撫絲偕老大蓋天錫以恩噫知而果行聞  
而果尊何必叔子之門

題先師陽明夫子遺像贈僕致昭

舜江濬祥禹穴炳靈良知一振羣耳咸醒接温聽厲尙及儀

刑仁爲己任勿謂丹青

史孤蟾禪師贊

卧雲霧兮隱豹脫繒繳兮冥鴻束荆蕘石兮誅茆倚松萬緣  
屏息兮孤月盈空憫羣蚋兮醜盜駕慈航兮仙宮茲其所以  
衍東吳靈曹之派而肇圖坪開山之宗

楊氏家祠具慶圖贊

陝之安慶楊生夢豸介馬生翊持巨圖以請其上則乃祖約  
正翁兄弟以壽錫冠服者四人其次則乃考富塗丞整兒  
弟以州幕以王官以太學生者凡十人其次則鄉進士夢豸

東廓鄒先生文集

卷之九

十七

兄弟以廩庠以業儒者凡十有四人夢豸之言曰先君之繪  
是圖也將乞歸養以悅親也而臺憲獎其清勤父老鬱其惠  
澤竟賁志以沒而未展也悲夫先君之志也先君之悅親以  
睦族也合爲家會製爲誓文月朔一輪少長咸集勸善糾過  
助婚喪而周貧乏故舉族百餘口無告餒者無暴於鄉者無  
閔於有司者迄於今子姓承訓濟濟可觀矣而先君不及享  
于成也如得一言以光是圖是使孤得以美牆先君而免於  
戾其自吾祖而下寔寵嘉之予惻然哀生之孝思而思勗其  
終也爲叙其語而繫以贊之曰

維慶之義肇著于易何以致之曰善是積積善之方非自外  
襲良知良能明命有赫父老惟慈以引以翼子弟惟孝友是  
程是式仕者惟忠無負于國儒者惟謹信無作于方策是曰  
善慶如耕而穫弗薦弗莠曷望夫稼穡咨爾楊氏冠裳奕奕  
三世一堂其樂孔碩天鑒方邇日懋厥德上對于先祠下垂  
無極

廬陵胡尹化之像贊

孰是夸毗信義芻狗獨秉其樸以孚于師友孰是拊克貧儒  
魚肉獨敦其和以宜于鄉族故哦松湯溪而大僚噐其能製  
錦乳源而山氓謹其慎謂儀雲遠乃颯霜軛遺像在堂式範  
來胤維樸維和維後其濬之

廬陵胡友雙溪像贊

其志斷斷其容踏踏其禮儀有恪朴而能立貧而能約折節  
青原若童子之求筮閉闔紫極若處子之在幕是以時歷二  
紀脫俗而無玷壽升七表與古以相酬酢撫雙溪以交耿耿  
中流而自若吾將從集木臨谷而進之以鳶飛魚躍玩神化  
以逍遙覺宇宙其寥廓庶曰年彌高而學彌樂乎

東廊鄒先生文集

卷之九

十八

